

**DHENDHAM SAJRONE CERBUNG SEMPAL ANGGITANE ANTHIN YS TAUFAN PUTERA
(TINTINGAN PSIKOANALISIS SIGMUND FREUD)**

Yustin Wahyu Ameliawati

Pembimbing: Prof. Dr. Hj. Darni, M. Hum

S-1 Pendidikan Bahasa dan Sastra Daerah (Jawa)

Fakultas Bahasa dan Seni

Universitas Negeri Surabaya

yustinameliawati@mhs.unesa.ac.id

ABSTRAK

Kabeh manungsa sok nduweni rasa dhendham sajrone diri pribadine marang pawongan liyane. Dhendham utawa rasa benci gandheng raket karo rasa kuciwa, nesu lan iri ati. Rasa dhendham utawa benci iki mesthi ana sajrone diri indhividu lan ora bakal ana rasa marem sadurunge nindakake sawijine pangrusakan, yen objek sasarane wis rusak utawa mati banjur dheweke bakal ngrasa marem. Rasa dhendham sajrone diri manungsa pranyata narik kawigaten pengarang kang dilebokake minangka prakara sajrone karya sastra. Salah sawijine karya sastra kang ngangkat perkara dhendham yaiku cerbung *Sempal* anggitane Anthin YS Taufan Putera. Adhedhasar andhara kasebut, cerbung *Sempal* iki narik kawigaten kango ditliti mawa tintingan psikoanalisis Sigmundd Freud.

Underan panliten iki yaiku (1) kepriye struktur kapribaden, (2) kepriye panyebab anane dhendham, (3) kepriye wujud dhendham, lan (4) kepriye *mekanisme pertahanan ego*. Ancas panliten iki yaiku (1) ngandharake struktur kapribaden, (2) ngandharake panyebab dhendham, (3) ngandharake wujud dhendham, lan (4) ngandharake *mekanisme pertahanan ego* sajrone cerbung *Sempal* anggitane Anthin YS Taufan Putera. Dene paedahe panliten iki diajab bisa kango pamawas panliten sabanjure.

Teori panliten iki yaiku nggunakake tintingan psikoanalisis Sigmund Freud. Methodhe kang digunakake yaiku metodhe dheskriptif kualitatif kanthi tintingan psikologi sastra. Sumber dhata arupa cerbung *Sempal* anggitane Anthin YS Taufan Putera. Dhata panliten iki yaiku tembung lan ukara sajrone cerbung *Sempal* anggitane Anthin YS Taufan Putera. Dene tata cara ngumpulake dhata yaiku kanthi teknik maca, cathet, lan nglompokake dhata. Tata cara pangolahe dhata digunakake methodhe dheskriptif analisis kanthi cara njlentrehake data banjur dianalisis.

Asile panliten iki kaperang dadi papat. (1) Struktur kapribaden miturut Sigmund Freud yaiku Id, Ego, lan Super Ego. (2) Panyebab anane dhendham kaperang dadi telu yaiku, tresnane anak marang wong tuwane, donya brana, lan pepisahan kulawarga. (3) Wujud dhendham kang disandhang dening Irawan yaiku kanthi nyedani ibu tirine lan Seno. (4) *Mekanisme Pertahanan ego* ana patang perangan yaiku *Sublimasi* yaiku Irawan kang owah dadi bocah kenthir supaya ora dipateni dening ibu tirine lan supaya bisa nylametake bandha tinggalane bapak kandhunge. *Reaksi Formasi* yaiku Irawati kang nindakake *pertahanan* diri marang Seno kang nduweni glagat kang ala, uga rasa ketagihan ditindakake Irawan nalika mnagerten yen Irawati kuwi mbakyu kandhunge. *Pengalihan (Displacement)* yaiku nalika Irawan ngalihane sasaran kango ngungkapake rasa nesune menyang manuk derkuku. Pungkasan yaiku *Represi* yaiku ditindakake dening Irawan nalika dheweke ditinggal ibu lan mbakyune lunga.

Tembung wigati: naluri kematian, psikologi sastra, Sigmund Freud.

PURWAKA

1.1 Landhesan Panliten

Masyarakat minangka kumpulan saka pirang-pirang kulawarga. Subhan (2004:3) Kulawarga yaiku mujudake perangan paling cilik saka sawijine masyarakat, lan ora bakal ana masyarakat yen ora ana kulawarga. Kulawarga dumadi saka Bapak,Ibu, lan Anak. Bapak minangka kepala kulawarga, ibu minangka pangatur lan panggerak lakune sawijine kulawarga, sarta anak minangka panjurung lan minangka titipan saka Gusti kanggo sawijine kulawarga.

Manungsa minangka makhluk sosial. Sawijine kulawarga uga menehi pangribawa marang kulawarga liyane sajrone panguripan ing masyarakat. Miturut Friedman (sajrone Sudiarto, 2007), menehi pangerten yen kulawarga dumadi saka loro utawa luwih indhividu kang nggabung amarga *ikatan* tartamtu kanggo padha mbagi

pangalaman lan nindakake sesambungan emosional, sarta ngidhentifikasi dhiri minangka bageyan saka kulawarga.

Bapak minangka kepala kulawarga salah siji tugase yaiku menehi rasa tresna lan rasa aman tentrem marang anggota kulawargane, nganti mujudake kulawarga kang bagya mulya uga *harmonis*. Kulawarga minangka *forum* pendhidhikan kang kawiwanan kang paling utama sajrone pangrembakan uripe anak lan dadi dhasar kang wigati ing pawujudan karakter manungsa iku dhewe (sajrone Hyoscyamina, 2011:97). Minangka wong tuwa uga kudune ndhidhnik lan dadi patuladhan kanggo anak-anake.

Ora kabeh pawongan kang mbangun sawijining kulawarga kuwi bisa nyiptakake kulawarga kang *harmonis*. Kulawarga uga kudu didhasari kanthi rasa percaya lan setya marang liyane. Miturut Syuhud (2013: 90) kasetyan minangka syarat kang paling dhasar ing sawijine balewisma utawa kulawarga. Anane rasa

percaya lan setya ora bakal ana perkara-perkara sajrone balewisma lan mujudake kulawarga kang bagya mulya.

Saben pawongan mesthine ngupayakake supaya bisa urip kanthi tentrem bagya mulya, nanging saben pawongan ora bisa adoh saka anane perkara ing panguripane. Saben manungsa mesthine nduweni perkara kang diadhepi. Perkara kuwi orang mung karo diri pribadine, uga perkara kang sesambungan karo pawongan liyane. Perkara-perkara kuwi kudune dirampungake kanthi cara kang becik antarane kekarone, supaya bisa mujudake urip kang tentrem sajrone masyarakat. Ora kabeh perkara kuwi kang wis dirampungake bisa ditrima kanthi ikhlas, kadhang kala ana pawongan kang isih ora trima marang kaputusan saka pungkasaning perkara kuwi.

Dhendham yaiku pangrasa kang kepengin mbales amarga atine lara kang tuwuhan saka anane memungsuh, lan mesti nggoleki cara kango ngungkapake lara atine supaya pawongan liyane cilaka. Endraswara (2012:123), dhendham tegese pawongan kang nduweni kekarepan kango mbales amarga anane rasa nesu utawa ora seneng marang pawongan liyane. Rasa dhendham kang didiwiwi sawijine pawongan minangka wujud saka anane ego sajrone diri sawijine pawongan. Pawongan kang nduweni rasa dhendham iki mesti nduweni kekarepan kango mbalesake utawa ngungkapake rasa dhendhame marang pawongan kang dituju. Cara apa wae kadhang kala ditindakake supaya bisa mbales rasa dhendhame. Tuladhane kaya nggepuk, nesu, uga bisa nganti mateni pawongan liyane. Sawise bisa mbales rasa dhendhame, bakal tuwuhan rasa marem sajrone diri pribadine amarga wis bisa mujudake kekarepane yaiku mbales dhendham. Senajan bales dhendhame kuwi mujudake tumindak kang ala lan mbebayani kango diri pribadine sarta pawongan liyane.

Tumindak mbales dhendham kuwi bisa digolongake marang babagan kang diarani *Thanatos*. Miturut Alwisol (2011: 11) *Thanatos* yaiku salah sawijine perangan saka dinamika kapribaden insting. Insting diperang maneh dadi loro, yaiku Insting urip kang diarani *eros*, lan insting mati kang diarani *thanatos*. *Eros* yaiku motif utawa kapenginan kang dhasari manugsa supaya bisa tumindak *positif* utawa becik. Energi kang diuweni *eros* iki yaiku Libido. *Thanatos* yaiku insting mati kang ndhasari manungsa supaya nindakake babagan kang ala utawa *negatif*. Wujud saka insting mati utawa *thanatos* iki yaiku agresif, destrukstif, lan nuwuhake sikap ora seneng marang pawongan liyane, uga tumindak *kekerasan* kang bisa arupa kadurjanaan lan mateni pawongan liyane. Dhendham ing kene bisa digolongake ing insting mati utawa *thanatos*, amarga dhendham minangka wujud saka tumindak kang negatif lan bisa mbebayani marang pawongan liyane. Ora ana perkara yen ora ana sebabe. Kaya dene rasa dhendham, yen ora ana sebabe ora bakal ana kedadeyan kasebut.

Anane rasa dhendham lan kekarepan kango mbales dhendham kuwi bisa nuwuhake babagan kang ala marang pawongan liyane uga marang diri pribadi manungsa kasebut. Apa maneh yen rasa dhendham iki wis disimpen nganti suwe lan ora diungkapake, kuwi bisa

nuwuhake rasa gething marang liyane, sarta bisa uga nganggo psikologise pawongan kasebut.

Sikap-sikap kuwi akeh dicritakake ing karya sastra. Karya sastra kae minangka kaca pangilon tumrap panguripane manungsa kang nyata. Digambarake dening pangripta. Miturut Endraswara (2003:89) karya sastra minangka gegambaran kahanane masyarakat nalika iku. Pangripta ngripta karya sastra mau kanggo sarana dhokumentasi lan sarana komunikasi antarane pangripta lan pamaos kang bisa awujud lisan utawa tulisan.

Aminuddin (1986:47) uga ngandharake yen karya sastra mujudake kreasine manungsa sing ana sajrone urip ing bebrayan. Bab iki ngandharake yen sastra iku minangka gegambarane kedadean ing sajrone masyarakat kang diolah kanthi imajinasine pangriptane. Salah sijine karya sastra yaiku cerbung. Cerbung yaiku crita sambung, yaiku crita kang dipedhot-pedhot nanging isih sesambungan siji lan sijine critane.

Sastra Jawa isih akeh urip ing jaman saiki. Sastra Jawa modern nduweni genre-genre sastra kang mirip karo sastra *Barat* (Darni, 2016:4). Tuladhane yaiku cerkak padha karo *short story*, cerbung padha karo *long story*, guritan utawa puisi Jawa modern padha karo *poem*, lan novel.

Cerbung minangka wiwitan saka pangrembakane karya sastra modern kang kapacak sajrone majalah-majalah lan koran (Hutomo, 1975:5). Cerbung karipta amarga ana angen-angen utawa *inspirasi* kang ana sajrone pamikire pangripta, banjur diolah supaya dadi crita kang dikarepake dening pangripta. Lumrahe cerbung iku dawa, amarga cara nyeritakake nggunakake teknik sing njlimet lan jangkep antarane kedadean siji lan sabanjure.

Salah sawijine cerbung kanthi irah-irahah “SEMPAL” anggitane Anthin Ys Taufan Putera iki uga mujudake tumindak mbales dhendham dening paraga utamane. Anthin Ys Taufan Putera yaiku salah sawijine pangarang jawa kang isih aktif anggone ngripta karya sastra. Salah hasil karyane yaiku cerbung *Sempal* kang kamot ing majalah Jaka Lodhang taun 2016 kanthi 8 episode. Cerbung *Sempal* iki mujudake cerbung kang nggambarake tumindak mbales dhendham paraga utamane kang jenenge Irawan, kang alur critane kebak *kejutan* tumrap para pamaos. Cerbung ‘Sempal’ iki intine nyeritakake ngenani dulur loro Irawan lan Irawati kang dipisahake amarga wong tuwane pisah, lan nyebabake adhine yaiku Irawan kena gangguan psikologis amarga urip karo ibu tirine. Cerbung iki mujudake sawijining bocah kang nduweni rasa dhendham marang ibu tirine amarga wis mateni bapak kandhunge. Rasa dhendham kang ana sajrone cerbung iki kaya dene ing kanyatan. Semana uga watak paraga, uga salaras karo kanyatan.

Cerbung iki narik kawigaten gawe ditiliti supaya bisa mangerten ikuhanan psikologise paraga utama kang aran Irawan lan wujud tumindak bales dhendhame Irawan. Panliten iki kalebu panliten psikologi sastra. Miturut Endraswara (sajrone Minderop, 2013:59) psikologi sastra yaiku interdisiplin antarane psokologi lan sastra. Panliti nggunakake panliten iki kanthi tintingan psikologi amarga psikologi minangka kabutuhan kango

pribadi manungsa. Paedah utama psikologis yaiku ngandharake tumindake manungsa utawa kedadeyan-kedadeyan kang disandhang kanthi sistematis. Paedah kaping loro yaiku bisa mangerteni tumindak, kedadeyan utawa akibat sajrone diri manungsa. Andharan kuwi bisa dimangerteni yen psikologi lan sastra ana sesambungane. Paraga lan tumindake mujudake sawijine unsur karya sastra kang dadi bakal panlitene psikologi sastra.

Panlitene psikologi sastra iki nganut teori psikoanalisis Sigmund Freud. Bab rasa dhendham kang disandhang dening paraga utama Irawan, trep karo teori psikoanalisis Sigmund Freud. Kajian psikoanalisis Sigmund Freud ngrembug telung jinis kapribaden sajrone jiwane manungsa yaiku id, ego, lan super ego. Telung jinis kapribaden iku bisa aweh pambiyantu kanggo ngonceki rasa dhendham lan tumindak bales dhendham. Saliyane rasa dhendham kang kalebu ing babagan insting mati, *mekanisme pertahanan* uga digunakake sajrone panlitene iki. Minderop (2013:29) ngandharake yen *mekanisme pertahanan* kedadeyan amarga anane dorongan utawa pangrasa kang digunakake kanggo nggoleki objek pangganti. Sajrone teori kepribaden, *mekanisme pertahanan* yaiku karakteristik kang kuwat sajrone diri manungsa. Kanggo ngonceki cerbung *Sempal* iki bakal digunakake tintingan psikologi sastra kanthi konsep psikoanalisis Sigmund Freud. Adhedhasar andharan ing ndhuwur, cerbung *Sempal* anggitane Anthin YS Taufan Putera iki ditintingi kanthi irah-irahan “*Dhendham sajrone Cerbung Sempal Anggitane Anthin YS Taufan Putera (Tintingan Psikoanalisis Sigmund Freud)*”

1.2 Underan Panliten

Adhedhasar andharan ing ndhuwur, underan panliten kang bisa dijupuk yaiku:

- 1) Kepriye struktur kepribaden sajrone cerbung *Sempal* anggitane Anthin YS Taufan Putera?
- 2) Apa panyebab anane dhendham sajrone cerbung *Sempal* anggitane Anthin YS Taufan Putera?
- 3) Kepriye wujud dhendham cerbung *Sempal* anggitane Anthin YS Taufan Putera?
- 4) Kepriye *mekanisme pertahanan ego* sajrone cerbung *Sempal* anggitane Anthin YS Taufan Putera?

1.3 Ancase Panliten

Panlitene iki nduweni ancas yaiku :

- 1) Ngandharake struktur kepribaden sajrone cerbung *Sempal* anggitane Anthin YS Taufan Putera
- 2) Ngandharake panyebab dhendham sajrone cerbung *Sempal* anggitane Anthin YS Taufan Putera
- 3) Ngandharake wujud dhendham sajrone cerbung *Sempal* anggitane Anthin YS Taufan Putera
- 4) Ngandharake *mekanisme pertahanan ego* sajrone cerbung *Sempal* anggitane Anthin YS Taufan Putera

1.4 Paedahe Panliten

Saben panlitene mesthi nduweni paedah kang bisa dijupuk miturut babagan kang dirembug. Paedah kang dadi pangarep-arep saka panlitene iki, yaiku:

- 1) Tumrap studi sastra, dikarepake bisa ngrembakake bab telaah sastra mligine ngenani psikologi sastra.
- 2) Tumrap pamaos, panliten iki dikarepake bisa nggampangake pamaos anggone mangerteni isine cerbung *Sempal*.
- 3) Tumrap piwulangan, panliten iki dikarepake bisa digunakake bahan ajar ngenani sastra ing sekolah.
- 4) Tumrap panlitene, bisa nambahi referensi tumrap panlitene.

1.5 Wewatesan tetembungan

Supaya ora nuwuake persepsi kang beda, mula panliten iki menehi wewatesane tetembungan kaya mangkene.

- 1) Dhendham

Dhendham tegese pawongan kang nduweni kekarepan kanggo mbales amarga anane rasa nesu utawa ora seneng marang pawongan liyane. Rasa dhendham kang diduweni sawijine pawongan minangka wujud saka anane ego sajrone diri sawijine pawongan

- 2) *Mekanisme Pertahanan Ego*

Minderop (2013:29) *mekanisme pertahanan* bisa kedadeyan amarga anane pangrasa kang beda kang nyengkuyung anggone nggolek objek liyane. Alwisol (2014:23) *mekanisme pertahanan ego* aweh pambiyantu kanggo nolak, uga ngayomi indhividu saka rasa khawatir.

- 3) Psikoanalisis Sigmund Freud

Teori Freud saperangan arupa otobiografi adhedhasar konsep utama munjer marang pengalaman nalika isih cilik lan konflik seksual. Konsep kawiwitinan Freud yaiku merang kapribaden dadi telung perangan yaiku sadar, prasadar, lan ora sadar. Topografi utawa peta kesadaran iki digunakake kanggo ndheskripsikake sawijining *event mental* kayata fantasi lan pamikiran. Freud ngenalake telung unsur liyane, yaiku id, ego, super ego.

- 4) Psikologi Kepribaden

Alwisol (2014:1) teori psikologi kepribaden nuwuake konsep-konsep kayata dinamika pengaturan tindak-tanduk, pola tindak-tanduk, model tindak-tanduk, lan pangrembaka reportir tindak-tanduk, sajrone ngurangi kompleksitas tindak-tanduk manungsa.

- 5) Psikologi Sastra

Miturut Endraswara (sajrone Minderop, 2013:59) psikologi sastra yaiku interdisiplin antarane psikologi lan sastra. Psikologi sastra minangka kabutuhan kanggo pribadi manungsa utawa paraga sajrone sawijine karya sastra.

METODHE PANLITEN

3.1 Ancangan Panliten

Ancangan panliten ditindakake sadurunge nganalisis dhata utawa nindakake sawijine panliten. Rancangan kang dipilih kudu cundhuk karo variabel panliten. Jinis panliten iki yaiku panliten kanthi nggunakake methode deskriptif kualitatif kanthi tintingan psikologi sastra. Kualitas penafsiran sajrone metodhe kualitatif diwatesi karo hakikat fakta-fakta sosial. Tegese fakta sosial yaiku fakta kang dijabarake karo subjek. Panliten iki nggunakake metodhe deskriptif kualitatif amarga dhata panliten iki yaiku cerbung kang awujud tembung-tembung lan ukara-ukara. Panliten kualitatif yaiku panliten kang nduweni ancas kanggo mahami fenomena ngenani samubarang bab kang dialami dening subjek panliten, kayata tumindak, pamawas, motivasi, prilaku, lan liya-liyane, kang ditengenake sajrone panliten kualitatif yaiku kagiyatan panliten ilmiah kanthi njlentrehake lan mahami sawernaning babagan sosial kang diamati (Moleong, 2001:6).

Panliten kualitatif kaya ngene iki nduweni sipat alamiah lan ngasilake dhata dheskriptif arupa tembung-tembung tinulis utawa lisan saka pawongan, salah bawa, utawa dhata-dhata liyane kang bisa ditliti dening panliti. Anggone nyuguhake data tumrap panliten dheskriptif kualitatif yaiku kanthi wujud dheskripsi. Methode iki digunakake kanggo medharake dhata kang ngandut wujud rasa dhendham sajrone cerbung *Sempal* kang kamot ing majalah Jaka Lodhang taun 2016.

3.2 Sumber Dhata Lan Dhata

3.2.1 Sumber Dhata

Sumber dhata yaiku salah sawijine perangan kang wigati sajrone panliten. Miturut Siswantoro (2010:70), sumber dhata diperang dadi loro, yaiku sumber dhata *primer* lan sumber dhata *sekunder*. Dhata *primer* yaiku sumber dhata kang paling utama utawa sumber dhata kang pokok. Lan sumber dhata *sekunder* yaiku sumber dhata kang dadi panyengkuyung marang sumber dhata *primer*. Sumber dhata *sekunder* iki uga wigati tumrap panliten kang lagi ditindakake.

Sumber dhata *primer* sajrone panliten iki yaiku sawijining karya sastra modern kang awujud cerbung, cerbung *Sempal* anggitane Anthin YS Taufan Putera. Cerbung kasebut kamot sajrone majalah Joko Lodhang taun 2016. Cerbung kasebut kasusun saka 8 edhisi. Sumber dhata *sekunder* yaiku buku-buku ngenani panliten sastra lan buku-buku ngenani teori psikoanalisis Sigmun Freud

3.2.2 Dhata

Dhata yaiku sakabehane fakta kang bisa dadi bahan nyusun sawijine informasi utawa asale cathethan panliti kang diolah kanggo asile panliten. Miturut Marliany (2010:169), dhata kang bener yaiku dhata kang ana kaya kahanan asline. Dhata kang bener iku ngandhut teges ing sawalike dhata kang ana kasebut. Dhata kang digunakake yaiku arupa sawijine karya sastra.

Dhata kang digunakake lan ditiliti sajrone panliten iki yaiku antarane dhialog antarane paraga, tembung-tembung, ukara, lan salah bawane paraga sajrone

cerbung *Sempal* anggitane Anthin YS Taufan Putera kang sesambungan karo wujud rasa dhendham dening paraga utama kang jenenge Irawan sajrone cerbung *Sempal* kang kamot ing Majalah Joko Lodhang iki.

3.3 Tatacara Nglumpukake Dhata

Pangumpulan dhata kang becik menehi pangaribawa anggone nggayuh panyelesaian perkara kanthi becik uga. Miturut etimologis deskriptif lan analisis nduweni teges njlentrehake (Ratna, 2004:53). Teknik cara ngumpulake dhata sajrone panliten iki yaiku kanthi metodhe dheskriptif analisis. Metodhe studi pustaka, kang nduweni tujuwan yaiku kanggo ngumpulake dhata lan informasi awujud rena-rena materi, kayata kang ana ing perpustakaan, buku-kuku, majalah, jurnal, dokumen, lsp. Dene tata cara nglumpukake dhaa kaya ing ngisor iki.

- 1) Teknik waca, teknik iki katindakake kanthi cara maca sumber dhata tinulis kang sesambungan karo panliten. Sumber dhata sajrone panliten iki yaiku salah sawijine karya sastra modern awujud cerbung kanthi irah-irahan *Sempal* anggitane Anthin YS Taufan Putera kang kamot ing majalah Joko Lodhang taun 2016.
- 2) Teknik cathet, teknik iki katindakake kanthi nyatheti perangan kang wigati sajrone sumber dhata. Teknik iki katindakake kanthi menehi tandha pethikan-pethikan saka cerbung kang arupa tembung, utawa ukara-ukarane kang trep karo undherane panliten.
- 3) Nglopokake dhata, tahap kang ditindakake dening panliti sajrone nglopokake dhata yaiku dhata-dhata kang wis dicathet dikelopokake miturut ancuse panliten.

3.4 Tatacara Njlentrehake Dhata

Metodhe panliten kang digunakake sajrone panliten iki yaiku metodhe deskriptif analisis. Yaiku metodhe kang kang digunakake kanggo njlentrehna dhata banjur nganalisis dhata kang ana, metodhe kasebut digunakake kanggo njlentrehna kanyatan-kanyatan utawa dhata kang digunakake banjur dijilentrehake kanthi luwh cetha lan njlimet lan kanthi menehi gambaran saka cuplikan utawa pethilan kang wis dijilentrehake.

Teknik analisis dhata kang digunakake yaiku tintingan psikologi sastra, tintingan psikologi sastra kasebut digunakake minangka lelandhesan sajrone nganalisis dening panliten.

- 1) Analisis dhata
Nganalisis dhata pokok yaiku arupa cerbung *Sempal* anggitane Anthin YS Taufan Putera, kang slaras karo underan panliten yaiku struktur kepribaden, wujud rasa dhendham, panyebab tuwuhe rasa dhendham, lan mekanisme pertahanan ego sajrone cerbung *Sempal* anggitane Anthin YS Taufan Putera.
- 2) Dheskripsi asil analisis dhata
Saka asil analisis panliten iki, banjur didheskripsikake kanthi njlimet lan runtut adhedhasar underan panliten lan nggunakake teori-teori kang sadurunge kang wis dijilentrehake. Teori kang digunakake yaiku psikoanalisis Sigmun Freud.

3) Dudutan asil panliten

Saka panliten analisis dhata, banjur kabeh ditarik sawijining dudutan. Perangan dudutan iki minangka asil pungkasan saka proses panliten.

3.5 Tatacara Panulisan Asile Panliten

Tata cara panliten kanggo nyuguhake asile panliten cerbung *Sempal* iku yaiku diwujudake kanthi wujud deskripsi ngenani underan panliten, yaiku motivasi paraga utama nindakake aktualisasi diri sajrone cerbung *Sempal*, wujud rasa dhendham paraga utama sajrone cerbung *Sempal*, lan cara mujudake rasa dhendham sajrone cerbung *Sempal*. Sistematika panulisan panliten iki bakal kasusun saka lima perangan bab, yaiku:

Bab I : minangka purwaka, isine ngenani landhesan panliten, underan panliten, tujuwan panliten, pedah panliten, wewatesan panliten, lan wewatean tetembungan.

Bab II : tintingan kapustakan. Isine yaiku ngenani panliten sadurunge kang saemper, sastra lan psikologi, teori psikoanalisis Sigmund Freud, dinamika kepribaden, lan mekanisme pertahanan.

Bab III : metodhe Panliten, isine yaiku ngenani ancangan panliten, sumber dhata lan dhata panliten, instrumen panliten, tata cara ngumpulake dhata, tata cara pangolahan dhata, tata cara nulis asile panliten.

Bab IV : minangka andharan asil panliten, isine ngenani struktur kapribaden sajrone cerbung *Sempal*, panyebab dhendham sajrone cerbung *Sempal*, wujud dhendham sajrone cerbung *Sempal*, lan mekanisme pertahanan ego sajrone cerbung *Sempal*

Bab V :panutup, kang isine dudutan lan pamrayoga.

ANDHARAN LAN JLENTREHAN

4.1 Struktur Kapribaden sajrone Cerbung *Sempal*

4.1.1 Id

Id minangka perangan kang paling dhasar saka kapribaden. Perangan kang primitif kang wis lumaku wiwit bayi kang durung mangerteni donya njaba. Id lumaku ing tingkat ora sadar lan ora diatur karo pamikiran wektu, panggonan lan logika. Id nduweni sipat kang ora realistik, ora logis, lan amung nggolek kanikmatan. Titikane Id liyane yaiku ora nduweni moralitas, amarga ora bisa mbedakake antarane apik lan ala. Kabeh energine mung digunakake kanggo satujuwan, lan nggoleki kanikmatan kanthi ora nggatekake apik lan ala.

4.1.1.1 Id paraga Irawati

Perangan struktur kapribaden mligine Id uga bisa dideleng sajrone cerbung *Sempal* anggitane Anthin YS Taufan Putera kasebut. Wujud struktur kapribaden kasebut katuduhake dening paraga Irawati lan Irawan minangka paraga utamane. Paraga utama kang aran Irawan iki nandhang struktur kapribaden Id. Sawise ing Villa Madukara banjur Irawati ketemu karo Irawan.

Dheweke seneng banget. Wis suwe dheweke ora ketemu lan saiki ditemokake maneh karo adhine kang ditresnani. Ana babagan kang marakake kaget ing ati lan pamikirane Irawati. Yaiku nalika Irawan crita ngenani kepenginane Irawan nyingkirake lan mateni Seno. Kaya cuplikan ing ngisor iki.

“Bi Ira singit ta, karo Seno?” pitakone Irawan gawe kaget.

“Kok Wawan bisa kandha ngono?”

“Ya, ora. Nanging ora seneng iku rak ora padha karo singit.”

“Mongsok, ngono!” wangsulan Irawan sajak ora marem.

“Piye yen wong iku disingkirake bae?” dadakan Irawan clathu maneh sawuse sauntara meneng. Nanging omongane Irawan sing pungkasan iku mau tenan-tenan marai eram lan kaget. Nganti rada sauntara wektu Ira ora bisa wangsulan kanggo nanggapi pitakonan sing ngemu pangajak iku. (*Sempal*, 2016:21)

Cuplikan ing ndhuwur mujudake Id sajrone Irawan. Id ing kene yaiku kepenginane Irawan supaya bisa nyingkirane Seno. Sepuluh taun kang wis lumaku dirasa abot banget dening rumaja lanang kang saiki ngancik umur 15 taun, rumaja kang wis sekolah ing tataran SMP. Rumaja lanang iki wis dadi bocah abege kang garis uripe dirasa pait. Bocah rumaja kang jenenge Irawan iki saiki urip kanthi rekasa lan ora kepenak karo ibu tirine lan sadulur tirine. Urip kang dilakoni owah dadi ancaman amarga kedadeyan sepuluh taun kepungkur kang dirasa pacoban paling abot ing uripe. Bocah kuwi adhine Irawati kang paling disayang kang wis sasuwene iki ora ketemu.

Topik cecaturane Irawati lan Irawan ing ndhuwur yaiku ngenani Seno. Bisa dideleng yen kekarone nuduhake yen ora seneng karo Seno. Sipate Seno kang ala pancen ora disenengi dening sapa wae. Sawise Irawati mlaku mlaku karo Irawan ing mburi Villa Madukara, Irawati dadi mangerten kepriye Irawan saiki. Dheweke kang suwe ora ketemu karo Irawan, sawise cecaturan kasebut dheweke mangereten kahanan kang ngagetake atine. Irawati ora ngerti kekarepane Irawan sing iki, yaiku kepengin nyingkirake Seno. Irawati kang durung ngereti kanthi cetha kahanan ing Villa Madukara kuwi mung bisa kaget lan mlongo ora mangerten kekarepane Irawan ngomong kaya ngono. Senajan Irawati ora ngerti teges saka tembung nyingkirake kang diucapake dening Irawan iki kaya apa, nanging dheweke percaya yen kepenginane Irawan kuwi ora apik.

Dideleng saka carane Irawan ngomongake kepenginane, kuwi kaya ngandhut babagan kang disingidakake. Ukara kekarepane Irawan kasebut kang kapengin nyingkirake Seno kuwi kaya kebak teka-teki kang disingidakake dening Irawan. Irawan kang isih bocah rumaja kuwi kaya kaya dudu bocah rumaja kaya biyasane. Irawati mung bisa ngrungokake apa kekarepan Irawan kuwi, senajan dheweke uga penasaran kena ngapa Irawan kok bisa nduweni kekarepan kang kaya mangkono. Irawan kang durung mangerten yen Irawati iku mbakyu kandhunge mung ngira Irawati kuwi guru

private kaya liyane, mangkane dheweke ora segan kanggo ngandharake kekarepane.

Anane Id sajrone dirine Irawan. Id yaiku kepenginan sajrone pamikirane Irawan kang durung kasembadan utawa durung kawujud. Isih mung dadi pamikiran wae. Kepenginan kuwi bisa wae diwujudake dening Irawan yen wis mampu lan nduweni kekarepan kanggo mujudake pamikirane kasebut. Pepenginan sajrone Irawan iki uga mujudake anane dhendham ing dirine Irawan. Anane kedadeyan lan kahanan kang ora disenengi kasebut kang marakake Irawan nduweni pepenginan kaya mangkono kang tumuju marang dhendham ing dirine.

4.1.1.2 Id Paraga Irawati

Wujud struktur kapribaden kasebut katuduhake dening paraga Irawati lan Irawan minangka paraga utamane. Irawati minangka salah sawijine paraga utama wanita kang nduweni pepenginan kang durung diwujudake.

Pepenginan kasebut arupa angen-angen kang isih ana ing pamikirane. Wujud Id kang diduwensi dening Irawati kasebut bisa dideleng ing cuplikan ing ngisor iki.

Wektu sing mung kari karo tengen wulan mau dening Irawati bakal dientekake kanggo nambani kangene marang adhine. Bab iki durung nate dikandakake marang Sutejo. Kaya tiba kebeneran nalika wingi iseng-iseng maca koran, Irawati maca lowongan kerja minangka guru privat. Alamate jelas yen sing mbuthuhake mau anggone manggon ing omah sing taun kepungkur nate dadi papan pangeyupane. Papan kang wis menehi saperangan kasenengan nalika Irawati isih cilik. Isih kumpul klawan bapak-ibu lan adhine. (Sempal, 2016:1)

Cerbung Sempal iki nyritakake ngenani bocah kang umure lagi wae ngancik 15 taun kang wis dadi korban saka perkara wong tuwane. Wong tuwane kang jenenge Pak Pandhu iki kalebu pawongan kang sukses lan sugih. Pakaryane yaiku minangka Arsitek kang wis kawentar saka ngendi-endi. Bojone Ny. Pandhu nduweni anak loro yaiku Irawati lan Irawan manggon ing omah kang ana ing Villa Madukara. Umur anak-anake Pak Pandhu iki beda pitung taun. Kulawargane Pak Pandhu bisa diarani kulawarga kang bagya mulya, kanthi urip tentrem lan kacukupan. Sawijine dina ing wayah esuk, dumadakan Irawati kang isih turu ditangeni dening ibune banjur dijak budhal karo pawongan mudha lanang kang ora dimangertenii kuwi sapa. Bapak lan adhine Irawan kang uga isih turu ora ngerti yen Ny. Pandhu lan Irawati lunga ninggalake omah. Wiwit saka wayah esuk iku, Irawati lan Irawan kepisah, lan ora ngerti kabare nganti sepuluh taun iki, lan ora ana kabar-kabarane maneh.

Nganti ing sawijine dina, Irawati kang wis dadi gadis dewasa kang ayu lan nduweni sipat lemah lembut, iki wis bakal dilamar dening kekasihe kang jenenge Suteja. Irawati saiki manggon ing Jakarta wiwit dheweke melu pindah karo ibune sepuluh taun kepungkur. Kekasihe Irawati kang jenenge Suteja iki kalebu pawongan lanang kang bagus rupane lan apik sipate, uga wis bisa diarani pawongan kang wis mapan. Suteja kalebu pawongan kang tanggung jawab, buktine

dheweke ngajak Irawati pindhah menyang USA sawise dheweke resmi nikah karo Irawati, amarga dheweke bakal ngayahi tugas belajar lan ora pengin adoh karo Irawati sarta ngiras pantes ‘bulan madu’ ing manca negara.

Babagan kasebut mujudake Id sajrone paraga utama wanita yaiku Irawati. Irawati kang arep nikah lan bakal manggon ing Amerika melu Sutejo nduweni kepenginan ketemu karo adhine. Irawan karo ngenteni wektune nikah lan budhal menyang Amerika kepengin ketemu adhine lan kepengin ngerti kabar adhi kesayangane kuwi. Sadurunge Irawati ninggalake Indonesia, dheweke pengin pamitan karo adhine, kang bakal ora ketemu suwe yen wis ditinggal menyang Amerika. Kahanan kasebut kang njalani Irawati nduweni kekarepan kaya ngono kuwi. Kepenginan kuwi mung isih ing pamikirane Irawati, nanging ora nutup kamungkinan yen kekarepan kuwi uga bakal kawujudake. Id kang diwujudake kaliyan pepinginane Irawati yaiku kepengin methuki adhine kang wis suwi ora ketemu. Kira-kira sepuluh taun dheweke ora ketemu maneh karo Irawan.

Sepuluh tauh kepungkur, sawise ibune Irawati ngajak Irawati metu saka omahe Pak Pandhu ing Villa Madukara, ing njabane omah, kekarone ibune Irawati lan Irawati wis dienteni lan dijemput dening nom-noman lanang kang nggawa mobil sedhan lan wis ngenteni, kaya kang wis dicethakake ing cuplikan ing ndhuwur. Ibune Irawati katon wis akrab banget karo nom-noman lanang kuwi kang diweduhi jenengen Pak Wisnubrata. Irawati durung ngerti sapa sabenere pawongna nom-noman lanang kuwi. Katelu pawongan kuwi banjur budhal mangkat ninggalake omahe Pak Pandhu lan Irawan kang uga isih turu ing jero kamar omah kuwi. Irawati sajake ya ora penak atine nalika ninggalake bapak lan adhine, nanging ibune tetep meksa supaya Irawati tetep nurut wae. Sadurunge pancen Irawati durung ngreti arep digawa menyang ngendi dening nom-noman lanang kuwi, nganti ing tengah dalam ibune Irawati ngandhani yen dheweke bakal menyang Jakarta, pindah mrana lan sekolah ing kana.

Sawise sepuluh taun wis kaliwatan, nganti saiki dheweke isih manggon ana ing Jakarta. Dheweke dadi anak tunggal ibune lan Pak Wisnubrata, amarga ibune lan Pak Wisnubrata ora kagungan turun. Sasuwene sepuluh taun iku Irawati ora ngerti kabar saka bapake Pak Pandhu lan adhine Irawan.

4.1.2 Ego

Ego yaiku aku utawa diri kang tuwuhan saka Id lan dadi punjer saka individu anggone komunikasi kaliyan donya njaba. Ego tuwuhan amarga anane kabutuhan-kabutuhan organisme kang salaras kaliyan kabutuhan objektif. Pambedane Id kaliyan ego yaiku id mung mangerteni kasunyatan subjektif-jiwa, ego mbedakake prakara kang ana ing batin lan donya njaba. Ego manut prinsip kasunyatan, yaiku nyegah anane tegangan ngantri ditemokake sawijine objek kang trep kango muwasake kabutuhan. Kanthi proses sekunder ego nyusun rencana kango muwasake kabutuhan. Kanggo nindakake tugase kanthi efisen, ego ngontrol kabeh fungsi kognitif lan intelektual.

Ego minangka perangan saka alam sadhar lan ora sadhar. *Ego* ngrembaka saka *id*. Cara kerjane *Ego* adhedhasar prinsip realita (Alwisol, 2011:15). *Prinsip realita* ditindakake kanthi sarana proses *sekunder*. Proses *sekunder* yaiku tuwuhe pikiran kang asipat realistik kanggo nyusun rencana lan nguji rencana kang wis ditata. Proses *sekunder* kasebut digunakake kanggo mujudake apa kang dikarepake ing pikiran.

Perangan struktur kapribaden mligine ego uga bisa dideleng sajrone cerbung *Sempal* anggitane Anthin YS Taufan Putera kasebut. Wujud struktur kapribaden kasebut katuduhake dening paraga Irawati lan Irawan. Pepenginan kang ana sajrone dirine, bisa kasembadan lan diwujudake kanthi nyata. Wujud ego kang diduwensi dening Irawan lan Irawati kasebut bisa dideleng sajrone cerbung kasebut. Wujud ego kaping pisan yaiku ditindakake dening Irawati. Kaya cuplikan ing ngisor iki.

Irawati isih ubeg nyepakake keperluan kanggo menehi les privat nalika Suteja teka. Dhek mau Irawati wis kober tuku buku-buku pegangan kanggo mulang bocah tingkat SMP. Pakean sacukupe uga wus disiyapake.iki pancer ora kaya guru privat sing lumrah. Saliyane panggonane adoh ing sajabane kutha. Omah iku mencil banget. Saliyane iku, pancer ing iklan wus disebutake yen guru mau kudu gelem manggon ing kono sasuwene angsa preinan ngiras karo momonga bocah ding dilesi. (*Sempal*, 2016:5)

Cuplikan ing ndhuwur iki nuduhake anane Ego kang wis ditindakake dening salah sijine paraga utama wadon, yaiku Irawati. Irawati kang arepe ninggalake Indonesia lan pindhah menyang Amerika, dheweke nduwensi pepenginan sadurunge yaiku kepengin ketemu adhine kang wis suwe ora diweruhi kabare. Wis dimangertenya yen Irawati lan Irawan kapisah amarga tumindake ibune sepuluh taun kapungkur. Irawan kang urip karo Bapake yaiku Pak Pandhu ing Villa Madukara lan Irawati kang melu urip karo ibune ing Jakarta. Sawise kedadeyan kasebut, Irawati ora ngerti kabare adhine kasebut.

Sepuluh taun sawise kedadeyan kasebut, sawijine dina dheweke mangertenya kabar ngenani Villa Madukara, yaiku panggonan omahe biyen nalika isih urip karo Pak Pandhu, bapak kandhunge. Dheweke kepengin marani adhine ing Villa Madukara kanthi cara dadi guru private Irawan kaya kang dicethakake ing surat kabar kasebut. Dheweke kangen banget marang adhine, mesthi wae amarga wis sepuluh taun ora ketemu. Dheweke mesthi pangling banget, apa maneh saiki adhine wis sekolah ngancik tataran SMP.

Nuduhake yen Irawati lagi nyiyapake sawijine kaperluane kanggo nglamar kerja dadi guru privat ing Villa Madukara. Cuplikan ing ndhuwur uga nyethakake kanthi cetha apa wae kang lagi ditindakake dening Irawati. Irawati kang bakal dadi guru private bocah SMP, dheweke banjur nyepakake samubarang, kayata buku-buku kang trep karo materi bocah sekolah tataran SMP, banjur nyepakake sawijine pakean kanggo nginep ing Villa Madukara. Sangking senenge arepe ketemu karo adhine, Irawan. Irawati nganti mbelani tuku buku-buku rada akeh kang kirane trep lan bisa mbantu adhine

kanggo sekolahe. Dheweke nyiyapake klambi amarga ing berita kasebut wis dicethakake yaiku sing arep dadi guru private kuwi bakal mango lan nginep ing lana, yaiku ing Villa Madukara, lan babagan kasebut ora dadi hambatan gawe Irawati. Dheweke malah seneng banget, dheweke bisa luwih cedhak karo adhine lan ngeri kahanane adhine.

Irawati bisa nyembadani Id-e. Sajrone Id-e Irawati nduwensi pepenginan yaiku kepengin ketemu adhine kang wis suwe ora ketemu kira-kira sepuluh taun kekarone kapisah. Niyat kasebut tuwuhan saka alam bawah sadare Irawati nalika dheweke arep nikah karo Sutejo lan bakal ninggalake Indonesia. Saliyane iku uga dheweke kangen banget karo adhine, dheweke kepengin mangertenya kabar adhine kasebut. Pepenginanane Irawati diwujudake kanthi cara lakune ego yaiku tumindak. Tumindake Irawati yaiku nglamar kerja dadi guru privat ing Villa Madukara, panggonan adhine saiki. Sadurunge dadi guru privat, Irawati nyiyapake kaperluane anggone dadi guru. Tumindake Irawati kanthi nyiyapake sawijine kaperluan kasbeu tuga bisa diarane Ego, yaiku mujudake kepenginan kang dikarepake.

4.1.3 Super Ego

Cerbung *Sempal* iki ora ana super ego kang bisa ngontrol Id lan Ego. Yaiku kepenginanane Irawan kanga rep mateni ibu tirine lan dulur kuwalone. Id kang diduwensi Irawan kasebut nyatane bisa diwujudake kanthi Ego, yaiku Irawan mateni ibun irine lan Seno. Irawan nganti bisa nindakake kadurjanaan kasebut amarga ora anane super ego kang ngontrol Id sajrone dirine Irawan. Kepenginanane Irawan kang gedhe banget kasebut nganti ora bisa nuwuuhake super ego sajrone dirine. Ora ana super ego kang nyegah Irawan anggone pengin mateni ibu tirine lan Seno. Dadi, Irawan tetep bisa mateni ibu tirine lan Seno. Semana uga Irawati. Kepenginanane keemu adhine lan nyelametake Irawan kasebut bisa disembaiki lan diwujudake kanthi ora anane super ego sajrone dirine Irawati.

4.2 Panyebab anane Dhendham sajrone cerbung *Sempal*

Cerbung *Sempal* iki ngandhut babagan dhendham kang ana ing dhirine Irawan, lan bisa tuwuhan amarga anane saperangan panyebab. Dhendham iki minangka salah sawijine wujud saka insting mati utawa *thanatos* saka dinamika kapribaden Sigmund Freud. Miturut Freud (sajroning Minderop, 2013:26-27) naluri kang ana sajroning dhirine manungsa diperang dadi loro yaiku naluri panguripan lan naluri mati. Insting mati biyasane diarani kanthi insting kang ngrusak. Kaya dene dhendham utawa rasa dhendham, pawongan bakal ngupaya supaya bisa nuduhake apa kang lagi dirasakake marang sawijine tumindak kang diarani balas dhendham. Bales dhendham iki ana amarga anane dorongan utawa panjurung *agresif* ing manungsa.

4.2.1 Tresnane Anak marang Wong Tuwa

Rasa tresna minangka sawijine babagan kali paling dhasar kang kudu diterima dening saben manungsa, rasa tresna bisa diarani uga minangka sawijine hak kang kudu diterima, amarga peran rasa

tresna kanthi psikologis iki nduwensi pangribawa kang gedhe banget marang pangrembakane saben indhividu. Mesthi wae saben indhividu kang didhidhik kanthi rasa tresna, bisa mujudake indhividu kang luwih becik karo indhividu liyane kang kurang rasa tresna. Amarga dewasa iki, akeh banget wong tuwa kang ora mujudake rasa rasa tresna iki menyang anake.

Dadi, ora sithik nak utawa bocah kang wani tumindak negative, nindakake babagan kang negatif utawa ala kang biyasane diarani *kenakalan rumaja*. Anak kang wis didhidhik kanthi becik dening wong tuwane mesthi bakal nduwensi rasa sayang lan sesambungan *emosional* karo wong tuwane. Anak bakal nduwensi rasa tresna lan sayang marang wong tuwane kanthi gedhe, amarga wiwit cilik wis dikulinakake cedhak lan oleh perhatian kang luwih saka wong tuwane.

Kepriye yen ana sawijine kedadeyan kang bisa nyebabake anak kasebut kelangan rasa rasa tresna saka wong tuwane. Utawa anane sawijine perkara kang nyebabake ilange rasa tresna saka wong tuwa marang anake. Kayata pepisahanane wong tuwane utawa wong tuwane kang *sibuk* kerja terus lan ora ngurusi anake. Kahanan kang kaya ngono bisa nyebabake gangguan psikis amarga kaget utawa *shock* ngenani owah-owahing kahanan kang ana. Anak bisa bisa ora nrima kahanane sing saiki.

Kahanan kang kaya ngono kuwi kaya dene crita ing cerbung *Sempal* iki, yaiku ngenani Irawan kang ditinggal pepisahanane wong tuwane banjur ditinggal bapak kandhunge seda kanthi cara kang ora becik. Kedadeyan ibune Irawan lan Irawati kang ninggalake omah kuwi banjur uga nyebabake Pak Pandhu uga ngrasa kelangan. Pak Pandhu uga ora ngerti kepriye lara-larane Ny. Pandu lan Irawati ora ana ing kamar omah kuwi. kanthi kahananane Irawan kang nangis terus nggoleki ibune lan mbakyune, Pak Pandhu malah sikepe uga melu owah ora kaya biyasane. Pak Pandhu minangka wong tuwa kang isih diduwensi dening Irawan iki mesthine menehi pangerten marang Irawan utawa nggoleki parane bojo lan anake kuwi. Nyatane ora kaya ngugu. Sikepe Pak Pandhu owah dadi kaya wong lliya. Biyen dadi bapak kang sayang marang anak-anake, sawise kedadeyan kuwi Pak Pandhu owah malah ora ngurusi Irawan kang kudune mbutuhake perhatian kang luwih akeh. Kahahan Pak Pandhu kang owah sikepe kuwi uga nyebabake Irawan kuciwa marang kahanan kang ana. Dheweke ngrasa kelangan kulawarga kang sayang marang dheweke.

Pirang taun sawise kedadeyan kuwi, Pak Pandhu banjur nikah maneher karo wong wadon liya. Irawan banjur nduwensi ibu tiri lan dulur tiri siji. Sadurunge, pancek kulawargane Pak Pandhu kang anyar iki dadi kulawarga kang bagya mulya. Nanging, nganti ing sawijine dina Pak Pandhu seda lan kahanan ing kulawarga iku owah banget. Irawan kang ora diurusni kanthi tenanan karo ibu tirine ngrasa sedhiih. Apa maneher naika dheweke mangerteni yen bapake seda amarga diracun dening ibu lan dulur tirine. Kaya cuplikan ing ngisor iki.

“...Kandha ngono iku Irawan karo mlengos. “Wong loro iku nyatane wus menthalala mateni bapakku kanthi

cara diracun mbaka sethithik. Nalika aku ngerti tumindake durjana iku kabeh-kaebh wus kadhung kelakon. Wus telat.” Bacute maneher kanthi mendhung kandel kang nutupi rupa bagus iku.” (Sempal, 2016:22)

Irawan, rumaja limalas taun kang saiki urip ing Villa Madukara karo ibu tirine lan dulur kuwalone, kang jenenge Seno. Rumaja limalas taun kuwi nyatane ora kaya rumaja-rumaja liyane. Pamikiranane Irawan ora kaya rumaja liyane. Pamikiranane Irawan wis kaya pamikiranane pawongan dewasa kang mateng. Kahanan kasebut bisa amarga anane tuntutan saka lingkungan sekitare. Lingkungan kang ora menehi pangaribawa kang positif iki malah bisa ndadekake Irawan dadi rumaja kang beda. Rumaja kang pamikiranane ora cocok karo umure saiki. Kahanan kasebut uga bisa diarani minangka gangguan psikologis sawijine pawongan, mligine Irawan.

Nuduhake yen bapake Irawan, Pak Pandhu kuwi wis seda. Lan kang tega nyedani Pak Pandhu kuwi sapa maneher yen ora bojo anyare, yaiku ibu tirine Irawan lan dulur kuwalone, Seno. Katindakake nalika Irawan lan Irawati kang lagi cecaturan ing kebon mburi omahe Irawan. Irawan blaka ngenani kahananane ing omah kasebut, nganti blaka ngenani panyebab sedane bapake kang ditresnani lan disayangi. Irawan kang sasuwene sepuluh taun iki urip karo bapake mesthine sayang banget karo bapake iki, amarga mung bapake kulawarga kandhunge kang isih diduwensi. Senajan Irawan kerep ditinggal bapake kerja lan sibuk dheweke aro pakaryane, nanging Irawan tetep sayang marang bapake. Sawise bapake seda iki, Irawan ngrasa kelangan separuh atine amarga pawongan kang paling ditresnani wis tindak suwarga. Irawan dadi sedhiih lan kuciwa. Dheweke ngrasa kelangan kabeh daya uripe, kelangan pawongan kang paling tresna karo dheweke, Irawan dadi ngrasa kijenen urip ing donya iki.

Sasuwene Irawan manggon lan tinggal ing Villa Madukara karo ibu tirine, anan sawijine kedadeyan kang marakake atine lara. Wiwit saka bapake kang seda, nganti perlakuane ibu tirine menyang dheweke kang ora kepenak. Irawan kang lagi ngancik tataran rumaja dipeksa nrima kahanan kasebut. Dadi, gelem-ora gelem Irawan kudu bisa nrima kahanan kasebut lan nyesuaikake awake ing lingkungan kasebut. Irawan kang ngrasa urip ijen ing omah kuwi kudu bisa manadiri lan kuwat ngadhepi kahanan kasebut. Salah sawijine kahanan kang nganti saiki ora bisa ditrima akal lan pikiranane Irawan, yaiku kanyatan yen ibu tirine lan dulur kuwalone kang tega nindakake tumindak durjana, yaiku tega mateni bapak kandhunge Irawan, Pak Pandhu kanthi cara menehi racun ing panganan lan ombene Pak Pandhu. Sipat-sipat ala kang diduwensi Bu Pandhu lan Seno iki mang marakae kekarone kuwi nindakake tumindak durjana, yaiku mateni Pak Pandhu kanthi cara ngracun.

Irawan kang mangerteni kanthi langsung kedadeyan kasebut, marakake atine lara marang ibu tirine kang tega banget bisa tumindak kaya mangkono. Kedadeyan kasebut kang uga tuwuhe dhendham sajrone Irawan marang ibu tirine lan dulur kuwalone amarga wis tega nyedani bapake.

4.2.2 Donya Brana

Kedadeyan Ibu tirine lan dultur kuwalone anggone mateni bapake kuwi marakake lara atine Irawan. Kekarone mateni Pak Pandhu iki nduweni alesan, yaiku kepengin nguwasan harta kekayaane Pak Pandhu kang bisa diarani akeh banget. Saiki isih durung isa nggawe lan njupuk bandhane Pak Pandhu amarga keturunane Pak Pandhu yaiku Irawan isih ana. Nalika Irawan ngerti yen bapake diracun supaya mati dening Bu Pandhu lan Seno, dheweke wis telat ora bisa nulungi bapake. Kanthi kedadeyan kuwi, Irawan pengin bales dhendham tumrap sedane bapake.

“Ngapa Bu Ira nyawang aku kaya ngono?” bocah iku nutuh marang Ira, banjur ngguyu. “Aku ngerti, mesthi Bu Ira ngira aku lagi kumat edan. Iya ta?” bacute maneh.

“Aah, ora. Mongsok ngono?”

“Ora sah selak. Kajaba yen aktingku elek.” Ujare.

“Akting?” Ira ngungun krungu tembunge bocah mau.

“Satenane aku waras-wiris. Aku ethok-ethok ngengleng supaya ora dipateni. Sebab sing padha diincer bandha tinggalane bapak. Yen aku kenthir, wong-wong iku ora padha kuwatir bandha mau bakal diwarisake menyang aku.” (Sempal, 2016:23)

Cuplikan kasebut katindakake dening Irawati lan Irawan ing kebon mburi omahe Irawan ing Villa Madukara. Irawan uga crita ngenani ibu tirine kang arep nguwasan bandhane Irawan . Ngerti tujuwan ala saka ibu tirine, Irawan banjur nesu lan niyate kepengin wales dhendham dadi luwih gedhe. Irawan banjur ndheleng kahanane. Irawan ngerti yen warisane Pak Pandhu kuwi sebagian gedhene diserahake marang dheweke. Irawan uga ngerti yen sasuwene iki ibu tirine kang ngurusi kabeh kabatuhane Irawan. Sawijine dina, pengacarane bapake mara menyang omah kanthi tujuwan njelasake ngenani warisan lan surat wasiate bapake. Tekan jlentrehane pengacara kulawargane kasebut, Irawan banjur ngerti yen dheweke durung bisa nampa lan dadi ahli waris sadurunge Irawan ngancik tataran umur kang pas. Irawan banjur langsung mikirna kepriye anggone nyelametake harta warisan peninggalan bapake supaya ora dijupuk dening pawongan kang nduweni niyat kang ala, yaiku Seno lan ibu tirine. Irawan banjur kepikiran, kepriye yen dheweke dadi bocah kenthir wae supaya bisa nggagalake rencanane ibu tirine.

Akhire Irawan njelasake alesan kena apa dheweke kok gelem dadi bocah kenthir. Irawati kaget banget krungu andharane Irawan, yaiku yen Irawan dadi bocah kenthir lan gangguan mental, pengacarane ora bisa nyerahake harta warisane Irawan marang dheweke. Irawan kenthir banjur ndadekake bandhane isih dicekel dening pengacarane lan aman karo pengacarane. Mula saka kuwi, Irawan dadi bisa njaga bandha tinggalane Pak Pandhu kuwi saka ibu tirine lan seno kang wis ngincer wiwit awal. Cuplikan kasebut uga nuduhake alesan liyane anggone Irawan dadi bocah kenthir, yaiku supaya ora dipateni dening ibu tirine. Wis dimangerteni kang mateni bapake Irawan yaiku ibu tirine dhewe. Ora nutup kamungkinan yen ibu tirine uga bakal mateni Irawan supaya bisa nglancarake rencanane sasuwene iki, yaiku nguwasan harta kekayaane Pak Pandhu.

Dadi, Irawan dadi bocah kenthir supaya ora dipateni dening ibu tirine. Ibu irine ora bakal kuwatir yen Irawan dadi bocah kenthir lan harta warisane ora bakal diwenehake menyang Irawan. Sawalike akting Irawan dadi bocah kenthir, dheweke uga ngrencanakake sawijine rencana kanggo wales dhendham marang ibu tirine kuwi kang wis jahat banget. Dadi bocah kenthir uga, ndadekake Irawan ora diperhati kake dening ibu tirine lan ora curiga marang Irawan. Irawan dadi bisa kanthi gampang nindakake rencana wales dhendham kasebut.

Kahanan kang ibu tirine arepe nguwasan bandhane Pak Pandhu kasebut kang marakake tuwuhe dhendham sarone Irawan. Irawan ora nyangka yen ibu tirine nduweni ati kang ala kaya mangkono. Lan kahanan kuwi kang nyebabake tuwuhe dhendham sajrone dirine Irawan

4.2.3 Pepisahan Kulawarga

Sawijine kulawarga, mesthine menehi kahanan kang bagya mulya marang anggota kulawargane. Bapak minangka kepala kulawarga salah siji tugase yaiku menehi rasa tresna lan rasa aman tentrem marang anggota kulawargane, nganti mujudake kulawarga kang bagya mulya uga *harmonis*. Kulawarga minangka *forum* pendhidhikan kang kawiwitlan kang paling utama sajrone sejaran uripe anak lan dadi dhasar kang wigati ing pawujudan karakter manungsa iku dhewe (sajrone Hyoscyamina, 2011:97). Wong tuwa uga kudune ndhidhik lan dadi patuladhan kanggo anak-anake.

Ora kabeh pawongan kang mbangun sawijining kulawarga kuwi bisa nyiptakake kulawarga kang *harmonis*. Kulawarga uga kudu didhasari kanthi rasa percaya lan setya marang liyane. Miturut Syuhud (2013: 90) kasetyan minangka syarat kang paling dhasar ing sawijine balewisma utawa kulawarga. Dadi, kanthi anane rasa percaya lan setya ora bakal ana perkara-perkara sajrone balewisma lan mujudake kulawarga kang bagya mulya.

Kaya dene perkara kang ana ing cerbung *Sempal* iki, yaiku Bapake kandhunge, Pak Pandhu kag ditinggal lunga karo ibu kandhunge. Kedadeyan kasebut yaiku sepuluh taun kepungkur. Nganti saiki Irawan kang urip karo bapake ora nate ketemu maneh karo mbakyune lan ibu kandhunge. Banjur, nganti sawijine dina, mbakyune dumadakan mara lan marani dheweke kang nybabake Irawan kaget. Kaya cuplikan ing ngisor iki.

“Kowe, kowe, yagene lagi saiki teka?” celathune kanthi swara geter lan driji kiwane nuding marang Ira. “Kanggo apa teka?”

“Wan, aku...”

“Nggoleki apa saiki teka neng kene? Arepa meruhi sepira gedhene panandhangku? Urip ijen tanpa duwени sapa-sapa sing gelem ngerti lara kang dakrasakake?! Arepa ngerti, kepriye kahananku nalika semana? Nalika tangi turu aku nggoleki ibu lan mbak Atiek. Ora ana. Sedina iku aku nangis nganti entek suwaraku. Nganti pirang-pirang dina kau tansah lungguhan ngarep regol ngenteni balimu. Sauntara iki sikepe bapak kayadene wong liya.” Irawan mandheg anggone omong banjur ndangak mendhuwur, ngempet luh kang bakal tumetes. (Sempal, 2016:24)

Irawati kang wis blaka sapa dheweke sabenere. Irawan kang sadurunge ora ngerti sapa iku Irawati, sawise Irawati blaka Irawan dadi ngerti yen Irawati kuwi mbakyune biyen kang paling disayangi. Sawise Irawati blaka, Irawan langsung kaget marang kahanan kang ana. Irawan kaget yen dheweke isih duwe dulur kandhung ing donya iki. Sasuwene iki sawise bapake, Pak Pandhu seda, Irawan ngrasa kijenan, dikirane dheweke wis ora duwe kulawarga maneh kang sayang marang dheweke, malah-malah duwe ibu tiri lan dulur kuwalon kang sikepe ora seneng marang Irawan. Irawan kaget saiki ketemu karo mbakyune. Nanging, saliyane rasa seneng kang ana, uga ana rasa sedhiih lan kuciwa.

Cuplikan ing ndhuwur nuduhake rasa kang dirasakake dening Irawan nalika dheweke ditinggal ibune lan mbakyune. Irawan ngomong marang Irawati ngenani kahanane dheweke nalika ngerti yen ibune lan mbakyune yaiku Irawati ora bali-bali. Irawan kang tresna lan sayang banget menyang Irawati iki duwe celukan khusus kanggo mbakyune,yaiku mbak Atiek, mung Irawan lan kulawargane Pak Pandhu kang nimbali Irawati kanthi Mbak Atiek. Irawan kang isih cilik durung ngerti apa-apa. Pak Pandhu uga ora bisa njelasake ngenani kahanan kuwi marang Irawan.

Nuduhake kahanane Irawan kang sedhiih nalika ditinggal ibune lan mbakyune ninggalake omahe, yaiku dheweke nangis nganti pirang-pirang dina, amarga nggoleki Mbak Atiek lan ibune kang ngilang ora bali-bali. Irawan kang isih limang taun mesthine isih ngetutake ibune terus. Irawan kang nduwe kabiyanan yen tangi turu langsung didusi dening pembantune banjur langsung dolanan bareng Irawati ngerasa kelangan tumrap Irawati. Nalika tangi turu, banjur ngerti yen ibune lan mbakyune ora ana ing kamar kuwi, Irawan langsung nangis kejer-kejer. Bapake, yaiku Pak Pandhu uga ora bisa lapo-lapo. Dheweke ngrasa kelingan banget, ngantri ngenteni ing ngarep regol pager omahe karo nangis ngenteni baline ibune lan Irawati. Pirang-pirang dina, Irawan isih nangis ing ngarep regol, nganti suwarane netek pawongan kang dienteni uga ora bali-bali. Dheweke ngrasa sedhiih lan kelangan.

4.3 Wujud Dhendham sajrone Cerbung Sempal

Rasa dhendham iki ana amarga anane tumindak agresif kang disebabake pertentangan antarane id ego lan super ego kang berlawanan uga anane rasa nesu lan gething marang pawongan liyane kang bisa nuwuhake pangrusakan diri kanthi wujud bales dhendham, kayata nggepuk, nesu, lan bisa uga nganti mateni pawangan liya. Anane rasa gething lan ora seneng marang pawangan liya kang dipendhem iki uga nyebabake pawongan kasebut nduweni kekarepan kanggo ngungkapake rasa lara atine, kanthi cara mbales dhendham marang pawongan kang wis nglarani atine.

Irawan nduweni naluri kematian kang onjo banget. Dheweke kepengin nyinkirake Sebo lan ibu tirine, kahanan kasebut kang diarani naluri kematian, yaiku kekarepan anaggone ngrusak objek kang dadi sasarane. Ibu tirine lan Seno kang dadi sasaran naluri

kematiane Irawan. Lan pungkasane yaiku Irawan mujudake naluri kematian kasebut.

Irawan kang nduweni rencana anggone mujudake naluri kematiane kuwi ngenteni wektu kang pas. Nganti wektu kang pas dheweke banjur mujudake naluri kematiane kanthi mateni ibu tirine lan Seno. Kaya cuplikan ing ngisor iki.

“Ibu! Ora kena nglarani dheweke!” dumadakan kabeh mengo marang prenahan suwara kang nyaruwe. Ing kono wus ngadeg kanthi panyawang tajem senajan yen disawang praepane ora nuduhake ekspresi apa-apa, Irawan! Tangan tengene nyekeli kayu kang dawane watara sameter.

Sing disendhu ora lambuh ora aruh. Mripate pendirangan sedhela nyawang Irawan lan sedhela noleh marang Irawati. Dumadakan tangane narik sangkur sing wiwit mau sajake wus disengkelit, banjur ngubres Irawati sing sawetara iku uga wus ngadeg kanthi bingung. Irawan sing ngadeg ora pati adoh emoh kedhisikan. Kayu ing tangane kumleyang nyamber cengele wanita iku kang sakala njungkel pas ing ngarep sikile Ira. Prawan iku njerit kamigilan nalika sepisan maneh kayu ing tangane adhine senggel sirah. Sakal saka tutuk lan kupinge bu Pandhu mili getih abang, liih, nggilani. (Sempal, 2016:35)

Cuplikan ing ndhuwur nuduhake yen Irawan mateni ibu tirine. Wiwitane ibu tirine kang arep mateni Irawati. Dumadakan metu Irawan kang ngagetake Irawati uga ibu tirine kang wis siyap arep mateni mbakyune kasebut. Irawan kang mangertenan yen mbakyune arep dipateni dening ibu tirine kaget banjur langsung mbengok kaya-kaya nyegah anggone tumindake ibu tirine. Irawan kang mara karo nyekel kayu kang dawane sameter langsung wae dheweke narik ibu tirine lan kayu kasebut langsung nyamber cengkele ibu tirine. Getih abang metuh ngucur saka tutuk lan kupinge ibu tirine lan ibu tirine langsung mati ing panggonan.

Irawati kang mangertenan lan nyekseni kanthi langsung kedadeyan kasebut mung bisa meneng amarga kaget marang tumindake Irawan kang wis tega nyedani ibu tirine kanthi cara kang tega banget. Irawati ora ngira yen adhine bakal bisa tumindak kadurjanaan kaya mangkene. Dheweke isih kaget. Senanjan nyawane Irawati dislametake dening Irawan, nanging Irawati isih ora bisa nrima kahanan kang kaya mangkene. Irawati kang nyawang tumindake Irawan kasebut langsung mbengkok lan njerit. Dheweke kaget uga nyawang nggilani marang ibu tirine Irawan kang bisa seda ing tangane Irawan.

Tumindake Irwan kang kaya cuplikan ing ndhuwur minangka wujud saka rasa dhendham kang sasuwene iki disimpen dening Irawan. Sawise ana wektu kang pas, Irawan nglancarake rencanane anggone mbales dhendham. Kanthi cara mateni ibu tirine uga Seno, dheweke mujudake rasa dhendham utawa gethingne. Cuplikan kasebut uga mujudake wateke Irawan kang wani, yaiku wani lan nekad anggone mindakake kekarepane kang dikepengini. Naluri kematian kang nguwasan Irawan nganti bisa tumindak kadurjanaan kaya mangkono. Naluri kematian kang uga ana tumindak agresif lan destruktif ana sajrone dirine Irawan kang tega

mateni kanthi cara nyamber cengele ibu tirine karo kayu sameter.

Dhendham kang diduweni Irawan iki minangka wujud saka jiwane Irawan kang lara. Dhendham utawa mendhem kesumat ing wong Jawa yaiku *endapan* saka pangalaming jiwakang bakal nuwuhake umindak mbales marang pawongan liyane. Tumindak mbales kang kaya kasebut bisa nuwuhake dampak utawa akibat marang larane kajiwane kangeun mbebayani. Kaya kang ditindakake Irawan yaiku mateni ibu tirine kang wis nyebabake lara atine Irawan kang bisa mbebayani kajiwane Irawan amarga Irawan wis nyimen rasa dhendhame sasuwene iki. Apa maneh Irawan nduweni amanggih yaiku utang lara nyaur lara, lan utang pati nyaur pati. Kaya kang ditindakake saiki yaiku mateni ibu tirine kanggo nyaur nyawane baoak kandhunge kang dwis dipateni dening ibu tirine.

Dadi, saka analisis ing ndhuwur lan cuplikan ing ndhuwur nuduhake yen naluri kematian kang didhasari tumindak agresif lan destruktif saka paraga Irawan iki bisa diwujudake kanthi nyata kanthi wujud nyedani Ibu tirine lan dulur kuwalone, Seno kang wis nyebabake tuwuhe rasa dhendham lan gething sajrone dirine Irawan. Babagan iki didhasari dening rasa lara ati lan kuciwa saka paraga Irawan. Lan nyebabake anane gangguan psikologis sajrone Irawan, yaiku Irawan saiki owah dadi bocah kang medeni, bocah kang nduweni pamikiran kang ora trep karo umure saiki kang isih limalas taun. Bocah rumaja nanging wis bisa nduweni pamikiran kanggo tumindak kadurjana.

4.4 Mekanisme Pertahanan Ego sajrone Cerbung Sempal

4.4.1 Sublimasi

Sublimasi kedadeyan saka tindakan-tindakan kang nduweni piguna kanthi sosial kang nggantenni rasa ora nyaman. Sublimasi yaiku sawijine kompromi. Ora menehi kamareman kanthi total, nanging nggawe tensi kang ora disalurake tansaya tambah (Schultz, 2016:68). Sublimasi sejatiné wujud pengalihan. Kayata indhividu ngalihake rasa ora nyamane marang tindakan-tindakan kang bisa ditampa kanthi sosial (Minderop, 2013:34).

Saliyane akting dadi bocah kenthir, Irawan uga owah dadi bocah kang meneng, aneh, kasar lan nakal. Iki uga minangka wujud pengalihan saka kabeh rencanane. kaya cuplikan ing ngisor iki.

“Saploke ditinggal seda bapake, Irawan pancek dadi kaya kelangan kontrol. Tumindake sok aneh lan kasar. Ora kena dijajagi kekarepane. Ya mung kudu sabar anggone ngadepi,” ujare bu Pandhu karo mesem. Esem kang angel dingertené karepe. Dudu esem kebak paseduluran. Dudu esem semanak.

“Apamaneh durung suwe saka anggone ditinggal bapakne, bocah iku banjur tiba saka balkon. Bisa uga anggone gegar otak njalaré gangguan syaraf.”

“Terus dadi edan!” panyambunge Seno karo nyawang Ira sajak ngenyek banget.” (Sempal, 2016:19)

Cuplikan kasebut nuduhake yen Irawan kuwi sadurung nate tiba saka balkon. Cuplikan cecaturan dening Irawati lan ibu tirine Irawan kuwi katindakake

nalika ing ruwang tengah. Ibu tirine Irawan nakoni ngenani perkembangane Irawan kang sajake Irawati rada kuwalahan ngatur Irawan anggone sinau. Banjur ibu tirine Irawan ngomong ngenani Irawan kang saiki dadi bocah kang kurang bisa diatur, kelangan kontrol, tumindake sok aneh lan kasar, uga ora kena dijajagi kekarepane. Sawise ditinggal ramane seda. Uga Irawan nate ngalami sawijine kacilakan. Ibu tirine njelasake kedadeyan kacilakan Irawan kasebut, yaiku Irawan kang nate tiba saka balkon omahe, lan nyebabake Irawan ngalami gagar otak banjur ganguan syaraf.

Kahanan ngenani Irawan kang nate ngalami gagar otak lan ganggan syaraf iki bisa dadi alesan sing kuwat anggone nglancarake rencanane Irawan yaiku akting dadi bocah kenthir. Kahanan kasebut bisa daiarai minangka sublimasi . Yaiku pengalihan rasa kuwatir lan rasa wedine Irawan. Irawan kang tau tiba saka balkon didadekake alesan kang bisa ditampa anggone dheweke dadi bocah kenthir. Kahanan kasebut kang uga dadi pengalihan marang ibu tirine spaya ora mangertené lan curiga ngenani rencanane sasuwene iki.

4.4.2 Reaksi Formasi

Reaksi formasi yaiku sawijine wujud pertahanan ego tumrap impuls kang ganggu kanthi aktif nuduhake impuls kang beda. Reaksi Formasi bisa nyegah individu supaya ora nindakake kang bisa ngasilake anxintas lan anane sikap antisocial. Wujud reaksi formasi kang ana yaiku nalika Irawati mlaku ing Villa Madukara banjur ketemu kaliyan Seno. kaya cuplikan ing ngisor iki.

“Biasa ta, Bu?” wangslane sing ditakoni sapenake. Banjr tangane ngathung marang Ira ngajak salaman. “Sapa jenengmu?” pitakone kathi kurangajar.

Nuhoni tatakrama Ira nampani tangane lan nyebut jenenge kanthi setengah-setengah. Lan pemudha mau uga nyebutake jenenge kaya kang mentas bae disebutake dening bu Pandhu. Nanging Ira cepet-cepet narik tangane amarga Seno nuduhake glagat sing ora becik. Bu Panadhu nyawang kabeh mau kanthi rasa ora seneng.

“Hmmm, Irawati? Jenengmu memper karo cah gemblung kae!” ujare Seno karo narik kursi lan lungguh ing sandhinge Ira. (Sempal, 2016:17)

Cuplikan ing ndhuwur nuduhake anane mekanisme pertahanan kang katindakake dening paraga utma wadon, yaiku Irawati. Cuplikan ing ndhuwur dumadi nalika Irawati lagi bae saka ruwangan tengah cecaturan ngenani jejibahane nalika dadi guru private Irawan. Irawati kang lagi mlaku arepe bali menyang kamare, dumadakan dicegat dening Seno. Irawati kang wis mangertené kepriye watek lan sipate wong lanang kaya Seno mung nanggepi kanthi saprelune.

Cuplikan kasebut nuduhake yen Irawati lagi salaman karo Seno, banjur nalika Irawati arepe narik tanganne saka tangane Seno, Seno malah nyekeli tangane Irawati kang ndadekake tangane Irawati isih salaman karo tangane Seno. Irawati kang ngerti tangane dicekel kanthi ceket, dheweke langsung narik tangane kanthi cepet-cepet lan rada banter nganti tangane ucul saka tangane Seno. Irawati uga mangertené yen nalika dheweke salaman karo Seno, Seno nuduhake glagat kang

ora kepenak lan ndadekake Irawati kuwatir lan wedi. Mangkane Irawati nari kanthi cepet-cepet tangane kang lagi salaman karo Seno.

Tumindake Irawati kanthi ngeculake tanganne cepet-cepet nalika salaman karo Seno kasebut nuduhake anane mekanisme pertahanan awujud reaksi formasi. Tumindake kasbeut minangka wujud mertahanake awake dhewe. Pertahanan diri sajrone Irawati kaya dene ing pethikan ing ndhuwur. Pertahanan dirine yaiku narik tangane cepet cepet kang lagi salaman karo Seno, Amarga dheweke mangertenan anane glagat kang ora becik saka Seno. Mbacutake lakune wujud pertahanan diri, njaga yen ana kang ora dikarepake. Rasa wedi, rasa ora seneng, lan rasa jenjem ndadekake Irawati waspada karo pawongan lanang kasebut. Iki mujudake anane mekanisme pertahanan reaksi formasi, njaga awake sadurunge ana tumindak kang ora dikepengini.

4.4.3 Pengalihan (*Displacement*)

Pengalihan minangkawu awujud pertahanan diri kanggo ngadhepi kecemasan utawa *anxiety* kanthi cara nggolek objek pengganti kanggo mujudake rasa nesu lan dhendhame. Pengalihan miturur Minderop (2013:34), yaiku rasa kang ora seneng marang sawijining objek menyang objek kang luwih bisa didadekake sasaran utawa *pelampiasan*.

Irawati kang nyawang tumindake Irawan kang kanthi tega banget wani mbedhol manuk derkuku kasebut banjur kaget banget. Dheweke ora ngira yen Irawan bakal wani nindakake sawijine tumindak kadurjanaan kaya ngene iki, senajan mung karo manuk derkuku. Tumindake Irawan kasebut wis bisa diarani keji amarga wis mateni kanthi tega *makhluh hidup* kang ora nduwensi rasa salah apa-apa marang Irawan. Irawati kang isih kaget mung bisa njerit. Kaya cuplikan ing ngsior iki.

“Waaaaaan!” pambengoke Ira banjur agahan nutupi raine. Ora mentala meruhi nasibe anak manuk mau. Apamaneh getih abang banjur gudras ing tangane Irawan. “Apa, apa sing kok tindakake?”

Sing dielingake mung mesem rumangsa marem. Ora wangsanan apa-apa. Bangke manuk sing tiba ing ngarepe banjur diidak remuk sanalika. “Kejem bangaet tumindakmu iku, Wan. Apa salahane manuk mau iku mbok pateni?” panutuhe Ira. (Sempal, 2016:23)

Cuplikan kasebut nuduhake rasa kagete Irawati. Irawati kaget marang tumindake Irawan. Dheweke ora ngira yen Irawan bisa wani mateni manuk derkuku kaya mangkono. Irawati kang kaget mung bisa njerit lan nutupi raine, ora tega nyawang manuk aksebut kang wis mati kanthi getih kang gudras abang ing tangane Irawan. Irawati sajake wedi uga ngrasa gila marang kahanan kasebut. Irawati banjur nakoni apa tujuwan lan maksud saka tmindak kejine kasebut. Irawati minangka mbakyune ngrasa kaget banget yen adhine bisa tumindak kaya mangkene. Irawati ora ngira yen irawan saiki owah dadi bocah kang jahat lan tega marang apa wae kanthi ora mikirake apa resiko saka tumindake. Pralambang kuwi kanthi cetha ditujukake marang ibu tirine Irawan lan dulur kuwalone. Yaiku ibu tirine Irawan kang nitipake anake ing omahe Pak Pandhu kanthi nikah lan suwe-suwe ibu tirine kuwi kepengin nyingkirane Irawan

kang statuse minangka anak kandhunge Pak Pandhu saka mahe Pak Pandhu. Padahal, bisa diarani yen ibu tirine kuwi mung numpang ing omahe Pak Pandhu, nanging malah pawongan kuwi kang timindak nguwasan omah kasebut. Kaya manuk derkuku kasebut.

4.4.4 Represi

Freud (sajrone Minderop, 2013:32), *mekanisme pertahanan ego* kang paling kuwat lan jembar yaiku represi. *Mekanisme pertahanan ego* mligine represi uga bisa dideleng sajrone cerbung *Sempal* anggitane Anthin YS Taufan Putera kasebut. mekanisme pertahanan pengalihan iki dituduhake dening paraga utawa lanang kango aran Irawan. Saliyane paraga utama, uga ana paraga liyane. Wujud represi yaiku nalika Irawan nindakake pertahanan diri nalika dheweke ditinggal ibune lan mbakyune lunga. Kaya cuplikan ing ngisor iki.

“Kowe, kowe, yagene lagi saiki teka?” celathune kanthi swara geter lan driji kiwane nuding marang Ira. “Kanggo apa teka?”

“Wan, aku...”

“Nggoleki apa saiki teka neng kene? Arepa meruhi sepira gedhene panandhangku? Urip ijen tanpa duweni sapa-sapa sing gelem ngerti lara kango dakrasakake?! Areng ngerti, kepriye kahananku nalika semana? Nalika tangi turu aku nggoleki ibu lan mbak Atiek. Ora ana. Sedina iku aku nangis nganti entek suwaraku. Nganti pirang-pirang dina kau tansah lungguhan ngarep regol ngenteni balimu. Sauntara iki sikepe bapak kayadene wong liya.” Irawan mandheg anggone omong banjur ndangak mendhuwur, ngempet luh kang bakal tumetes. (Sempal, 2016:24)

Cuplikan ing nuduhake sikap pertahanan dirine Irawan. Sasuwene iki sawise bapake, Pak Pandhu seda, Irawan ngrasa kijenan, dikirane dheweke wis ora duwe kulawarga maneh kang sayang marang dheweke, malah-malah duwe ibu tiri lan dulur kuwalon kang sikepe ora seneng marang Irawan. Irawan kaget saiki ketemu karo mbakyune. Nanging, saliyane rasa seneng kang ana, uga ana rasa sedhiih lan kuciwa.

Nuduhake rasa kang dirasakake dening Irawan nalika dheweke ditinggal ibune lan mbakyune. Irawan ngomong marang Irawati ngenani kahanane dheweke nalika ngerti yen ibune lan mbakyune yaiku Irawati ora bali-bali. Irawan kang tresna lan sayang banget menyang Irawati iki duwe celukan khusus kanggo mbakyune, yaiku mbak Atiek, mung Irawan lan kulawargane Pak Pandhu kang nimbalii Irawati kanthi Mbak Atiek. Irawan kang isih cilik durung ngerti apa-apa. Pak Pandhu uga ora bisa njelasake ngenani kahanan kuwi marang Irawan.

PANUTUP

5.1 Dudutan

Asile panliten ngenani gegambaran struktruk kapribaden paraga utamane yaiku Iarwan lan Irawati kang nduwensi pambeda. Paraga Irawan luwih nengenake marang Ego kang mujudake kepenginane mateni ibu tirine lan Seno, banjur yen paraga Irawati luwih nengenake marang Id kang nduwensi pepenginan kang gedhe banget anggone kepengin ketemu maneh karo

adhine kang wis suwe kapisah. Saliyane kuwi, Super ego uga dadi perkara kang onjo, amarga ora anane super ego kang bisa nyegah Irawan anggone mujudake Id.

Panyebab anane dhendham sajrone paraga Irawan iki ana telung perangan, yaiku tresnane anak marang wong tuwane, donya brana, lan pepisahan kulawarga. Perkara-perkara kang ana ing uripe Irawan kang nyebabake tuwuhe rasa dhendhame Irawan marang ibu tirine. Rasa dhendham iki tuwuh saya ngrembaka sasuwene Irawan durung bisa wujudake tumindak bales dhendham.

Wujud rasa dhendham kang ana sajrone dirine paraga Irawan iki yaiku kanthi wujud Irawan kang mateni ibu tirine lan Seno. Naluri kematian kanthi rasa dhendham lan gething marang ibu tirine lan Seno kang njalari Irawan bisa mujudake rasa dhendhame. Rasa dhendham kang kudu diwujudake kanggo nggayuh kamareman sajrone dirine Irawan yaiku ngrusak objek sasarane yaiku ibu tirine lan Seno. Naluri kematian kanthi tumindak agresif lan destruktif kang ana sajrone dirine Irawan uga dadi panjurung anggone mujudake dhendhame.

Mekanisme pertahanan ego sajrone cebung *Sempal* iki cacache ana sanga, nanging kang ditindakake dening paraga utama Iarwan lan Irawati ana papat. Yaiku *Sublimasi, Reaksi Formasi, Pengalihan utawa Displacement, lan Represi. Sublimasi* yaiku Irawan kang owah dadi bocah kenthi supaya ora dipateni dening ibu tirine lan supaya bisa nyelametake bandha tinggalane bapak kandhunge. *Reaksi Formasi* yaiku Irawati kang nindakake pertahanan diri marang Seno kang nduweni glagat kang ala, uga rasa kaget kang ditindakake Irawan nalika mnagerten yen Irawtai kuwi mbakyu kandhunge. *Pengalihan (Displacement)* yaiku nalika Irawan ngalihane sasaran kanggo ngungkapake rasa nesune menyang manuk derkuku. Kang pungkasan yaiku *Represi* yaiku ditindakake dening Irawan nalika dheweke ditinggal ibu lan mbakyune lunga

5.2 Pamrayoga

Panliten tumrap cerbung *Sempal* anggitane Anthin YS Taufan Putera iki mujudake jangkah kapisan kang bisa ditkiti maneh. Bab kang kaandhar nggunakake tintingan psikologi sastra. Mula isih akeh tintingan liya kang bisa digunakake kanggo nliti. Tintingan sabanjure diajab bisa ngonceki cerbung *Sempal* iki kanthi luwih jero maneh.

Cerbung *Sempal* iki akeh ngrengbug paraga Irawan lan Irawati, nanging uga ora ucul saka paraga-paraga liyane kang tansah nyengkuyung. Kayata Irawan nyandhang rasa dhendham, uga ora ucul saka paraga liya kang dadi objek rasa dhendhame Irawan kasebut. Babagan kang ana ing cerbung *Sempal* iki akeh ngenami naluri kematian awujud rasa dhendham lan gething, uga maneka warna panyeban tuwuhe rasa dhendham kasebut. Kebebasan kuwi mujudake naluri kematian kang diduweni dening paraga Irawan.

Panliten iki muga bisa nuwuhake gregete para pamaos supaya tumindake Irawan sajrone panliten iki dadi gegambaran lan patuladhan mligine babagan rasa dhendham. Saliyane iku bisa nambahi kawruh mligine

ngenani naluri kematian awujud dhendham. Panliten iki dikarepake bisa menehi sumbang sih marang *khasanah* panliten sastra Jawa mligine kanthi tintingan psikoanalisis Sigmund Freud.

KAPUSTAKAN

- Alwisol. 2011. *Psiologi Kepribadian*. Malang: UMM Press
- Aminuddin. 1986. *Pengantar Apresiasi Karya Sastra*. Bandung: Sinar Baru Algensindo
- Arikunto, Suharsimi. 1998. *Prosedur Penelitian Suatu Pamarekan Praktek*. Yogyakarta: Rineka Cipta
- B. Hurlock, Elizabet. 1995. *Perkembangan Anak Jilid 1*. Jakarta: Erlangga
- Darni. 2016. *Kekerasan Terhadap Perempuan Dalam Fiksi Jawa Modern: Kajian New Historicism(Sebuah Kritik Sastra)*. Surabaya: Unesa University Press
- Endraswara, Suwardi. 2003. *Metode Penelitian Sastra: Epistemologi, Model, Teori Dan Aplikasi*. Jakarta: Pustaka Widyatama
- Endraswara, Suwardi. 2012. *Ilmu Jiwa Jawa*. Yogyakarta: Narasi
- Feist, Jess. 2012. *Teori Kepribadian*. Jakarta: Salemba Humanika.
- Fudyartanta, Ki. 2012. *Psikologi kepribadian: Paradigma Filosofis, Tipologis, Psikodinamik dan Organismik Holistik*. Yogyakarta: Penerbit Pustaka Pelajar.
- Friedman, Howard S. Dan Miriam W. Schustack. 2006. *Kepribadian Teori Klasik dan Riset Modern Edisi Ketiga* terjemahan Fransiska Dian Ikarini, dkk. Jakarta: Penerbit Erlangga.
- Hutomo, Suripan Sadi. 1975. *Telaah Kesusastraan Jawa Modern*. Jakarta: Pusat Pembinaan Dan Pengembangan Bahasa.
- Hyoscyamina, Darosy Endah. 2011. *Peran Keluarga dalam membangun Karakter anak*. Semarang: Fakultas Psikologi Undip.
bundailhamcsrumahkusurgaku@yahoo.co.id
(dideleng: 02 Januari 2018)
- Lestari, Sri. 2012: *Psikologi Keluarga: Penanaman Nilai dan Penanganan Konflik Dalam Keluarga*. Jakarta: Prenada Media Group

*Dhendham sajrone Cerbung Sempal Anggitane Anthin YS Taufan Putera
(Tintingan Psikoanalisis Sigmund Freud)*

Marlian, Rosleny. 2010. *Psikologi Umum*. Bandung :
Pusaka Setia

Minderop, Albertine. 2013. *Psikologi Sastra*. Jakarta:
Yayasan Pustaka Obor Indonesia

Moleong, Lexy J. 2001. *Metode Penelitian Kualitatif*.
Bandung : Penerbit PT Remaja Rosdakarya

Nurgiyantoro, Burhan. 2000. *Teori Pengkajian Fiksi*.
Yogyakarta: Gajah Mada University Press

OFM, Yustinus Semiu. 2006. *Teori Kepribadian dan
Terapi Psikoanalitik Freud*. Yogyakarta :
Penerbit Kanisius (Anggota IKAPI)

Putera, Anthin YS Taufan. 2016. *Sempal*.surakarta: Joko
Lodhang

Ratna, Nyoman Kutha. 2004. *Teori, Metode, dan Teknik
Penelitian Sastra*. Yogyakarta: Pustaka Pelajar.

Schultz, Duane P. 2016. *Teori Kepribadian*. Jakarta:
Penerbit Buku Kedokteran EGC.

Semi, Atar. 1988. *Kritik Sastra*. Bandung: Angkasa

Subhan, Zaitunah. 2004. *Membina Keluarga Sakinah*.
Yogyakarta: Pustaka Pesantren.

Syuhud, A Fatih. 2013. *Keluarga Sakinah*. Malang:
Pustaka Al-Khoirot.

Siswantoro. 2010. *Metode Penelitian Sastra Analisis
Struktur Puisi*. Yogyakarta: Penerbit Pustaka
Pelajar.

Suryabrata, Sumadi. 2011. *Psikologi Kepribadian*.
Jakarta: Rajawali Pers.

Tarigan, Henry Guntur. 1984. *Prinsip-Prinsip Dasar
Sastra*. Bandung: Penerbit Angkasa

Wellek, Rene lan Warren, Austin. 1989. *Teori
Kasusastran*. Jakarta: Gramedia